

Историко-краеведческая страница



Видзам нимсё сьёлём бердын



Талун ми косьям гарыштны серни коми гижысь Иван Николаевич Симаков йылысь.

Иван Симаков (Сим Вань) – коми кывбурьяс тэчысь. Сійо чужлөма Сыктывдин районса Лозым сиктын 1906 вося кос му (апрель) 12-од лунё крестьянин семьяын.

ЭЗ КОКНИ вөв олөмыс Сим Ваньлөн. Быдмис батэтөг. Сизим чоя-вока пөвстысь Иван вөлі медыджыдөн, та вöсна зонкалы сюрис медся сьöкыд верстыö мужичöйяслөн керкагöрса удж. Но быдмис сійо зэв вежöра да писыкöс зонмөн.

Дерт, унатор лои адззывны сьöкыд кадö: и кодзыдсö, и видöмсö, и тшыгыялöмсö. Аслас гижöдъясын Иван казътывліс: “Ена и бөрділ турун вайигөн либö гөригөн. Турун доддыд пöрас да он вермы лэптыны – пыр жö батэтö казътыштан, отсав, пö. Ичöтсынь тылаяс вылад уджалöмыд, видз да пашня вöчöмъясыд, сьöкыд ноптö кыскалöмыд дзикöдз гөрбыльтісны менö”.

Школаын велöдчигөн на зонка велавлöма чөкмот вурны да пу паньяс да чаяяс вöчавны. Тайöн и кынöмпöт перйылöма.

СИКТСА начальнöй школа помалöм бöрын комсомол отсöгөн Ваня веськалö Сыктывкарса совпартшколаö.

Сійо жö кадас том морт пырдöчö гижан уджö, чужöны медводдза кывбурьяс. Ёнджыкасö Сим Вань нимавліс кызди поэт-сатирик, фельетонист, гижліс пародияяс, эпиграммаяс. Дерт жö, кызди и быд кывбур тэчысь 20-30-од восяö, Сим Вань аслас гижöдъясын петкөдліс чужан му радейтöм, олöмын вежсьöмъяс – колхозьяс котыртöм, вөр лэдзöм. “Чужанін” кывбурын сійо висьталö:

*Тулъс – гожöм,
Шоньд кадöй.*

Ме вола чужанінö сэк.

Пывсянбокса

льöм пу садöй,

Тэ öтмоз сулалан на век.

1926 воын Иван Симаков “Коми сикт” газетын йöзöдö “Колö коми сыланкыв” нима гижöд. Сэні тöдчöдö, мый том йöз омöля на тöдöны коми сыланкывьяс, котъ сывны и радейтöны. Нывьяс да зоньяс войпукьяс вылын асьныс лöсьöдалöны коми частушкаяс. Пример пыдди:

*Купайтчи ме визув ваын –
Ылöдз менö кылöдс.*

*Любитлі ме муса зонмöс –
Ылöдз жö и нималис.*

*Берег дорын уна зоньяс,
Ставныс югыд колоша.*

*Видзöдi да видзöдi да –
Менам милöйлөн абу.*

СОВПАРТШКОЛА помалöм бöрын Иван Николаевичöс мөдöдöны Изьва районса Сизыб (Сизыбск) сиктö уджавны избачөн (öні кө – клуб веськөдлысьöн). Сизыбсаяс дыр казътылöмаöсь Иванöс кызд бур клубса удж котыртысьöс: “Неыджыд тушаа, сьöд юрсияса да вильыш, гажа сьöд синьяса, варов да шмонитны радейтысь, Сим Вань кужис быдöнöс кыкыны ас дінас. Көні сійо, сэні и гаж, серам. Да и гуджк шоча лэдзлывліс киясысь. Дженьыдик серамбана гижöдъяс – кывбурьяс, висьтыяс да фельетоньяс воисны сьёлём вылö быдöнлы”.

АНЕДЫР МЫСТИ сійо сьöстöны “Гөрд Печора” районса газет редакцияö ответственной секретарён.

1929 воын И.Н. Симаков лобö коммунистөн. 1930 во заводитчигөн Иван Симаковöс вуджöдöны Сыктывкарö, “Вөр лэдзысь” республиканскöй газет редакцияö. Водзö чужöны сылөн очеркьяс, статьяяс да кывбурьяс. Тайö кадас Иван Симаковкөд öтлаын уджалісны Иван Изьюров, Георгий Торлопов, Виль Паш (Павел Шебокин), “Ударник” журналса редактор Шыладорса Миш (Миха-

ил Павлович Доронин).

1932-1935 восяö Иван Николаевич велöдчö Москва карса рабфакын. Сійо помалöм бöрын поэтöс да фельетон тэчысьöс босьтöны пролетарскöй писательяслөн Коми ассоциация радъясö да примитöны СССР-ысь писательяслөн Союзса членö кандидатөн.

ИВАН СИМАКОВ уна вын пуктö, медым сөвмис коми литература, веськөдлö литературнöй кружокьясөн, отсалö том гижысьяслы. Сы киён дасьтöм гижöдъяс тшöкыда поэзö адззыны республиканскöй газетьясысь, литературно-художественнöй “Ордым” да “Ударник” журнальясысь. “Ордым” журналлөн медводдза номерын вöлі йöзöдöма Сим Ваньлысь статья, көні сійо став коми гижысьяс нимсянь сиö бур туй выль журналлы. Со кутшöм надеяөн олісны коми литературалы подув пуктысьяс: “Ордым кузя мунігмоз пасьялам, пыр водзö писыкөдам, ув-бадьясö весалам, шыльöдам, пасыкөдам – мед сійо ордымыс став пармаса войтырлы, став коми йöзлы тöдса лоас. Мед тайö ордымыс пармаса войтырöс петкөдас ыджыд пасыкыд туйö”.

– Менам медшöр уджыс – вежöрын на, – унаысь шульыліс Сим Вань. – Ме эськö көйси гижны ыджыд лирическöй поэма том йöзлы, мича сыланкыв, талунья лунлы лöсялана гижöдъяс. Кадыс мян со кутшöм кыпыд да гажа...

Да, кадыс эски вöлі збыльысь кыпыд. Нель воён лоис тыртöма медводдза вит вося план, пöртсис олөмö мөд вит вося план. Вежсис олөмыс странаын, тшöтш и Комиын. Сиктыясын котыртчалісны колхозьяс, артельнöй ыбьяс вылын заводитісны кывны тракторьяс. Вежсис уджыс и вөр лэдзысьяслөн. Сим Вань нимкодьясис Владимир Латкинлөн, Павел Шебокинлөн кывбурьясөн. А аслас унатор коли вöчтöм.

1937-од вося август 16 лунö Сим Ваньöс арестуйтісны НКВД-са уджалысьяс, а недыр мысти шуисны, мый сійо быттьокö пырö Сыктывкарын лöсьöдöм “контрреволюционнöй троцкистскöй организацияö”, вольвлö контрреволюционерьяслөн

чукöртчылөмъяс вылö, сэні яра сёрнитö, нуöдö йöз пөвстын партиялы да советскöй власьтылы паньд агитация.

ТАЙö КАДСЯНЬЫС и заводитчис кык вося тыш. Öтарас сулаліс И.Н. Симаков, мөдарас – НКВД-са органьяс, суд да прокуратура. Сійо воас мыжтöм йöзöс топöдісны медся нин ёна. Сим Ваньлөн делöлы НКВД сетіс ыджыд тöдчанлун. Тайöс пыр казялан допросьяс серти. Весиг кор Иван Николаевич сьöкыда висьмис, найö эз лэдзчысьны, лун и вой песісны, пыр пукöдісны улöс вылын. Сим Ваньлөн важөн нин висисны синьясыс, сылөн вöлі вуджан син висьöм (трахома). Тюрмаö пуксьöдтöдз на вöчлісны операция, но сійо эз отсав, мөдарö на, синьясыс нöшта кутісны висьны. Сэк жö НКВД-са уджалысьяс ньöти эз тöждысьны гижысьлөн дзонь-видзалун вöсна. Öд кымын сьöкыдджык мортыдлы, сымын öйдöдджык востяс вомсö.

СЭКИ вöля вылын на вöліны Виттор Савин, коді вылö доньяліс Сим Ваньлысь гижöмсö, Тима Вень да уна мукöд гижысь. РСФСР-са Верховнöй суд эз вынсьöд приговорсö да куймысь мөдöдліс делöсö видлавны выль пөв, некутшöм мыжтöг кык во тюрмаын пукалöм бöрын быть ковмис мездыны Сим Ваньöс. Сылы сетöма вöлі со татшöм справка: “Дана Симанкову И. Н., 1906 г. р., уроженцу с. Лозым, что он действительно находился под стражей в тюрьме с 16 августа 1937 г. и из-под стражи освобождён 25 августа 1939 года в связи с прекращением уголовного дела за недостаточностью улик для предания суду. Справка дана на предмет получения паспорта в горотделении милиции. Нач. спец. отд. НКВД сержант госбезопасности Пчёлкин”.

Водзö гижöм йылысь сёрни эз вермы лоны. Иван Николаевич заводитіс уджавны горпромкомбинатын аслас челядыдырся профессия серти.

АСЭССЯ ВОЙНА. Сим Вань пасьталіс шынель, босьтіс киас оружие...

Коми поэт И.Н.Симаков сетіс асьсыс олөмсö Рөдина вöсна 1943 вося сентябрь 15 лунö. Гуалöма сійо Мелитополь карсянь неуна лунвылынджык.

Кывбурьяс кындзи Сим Ваньлөн коліны и фронтывса писымыяс, кодъясöс сійо гижис гортсаяслы.

Фронтовые письма

“Сегодня 25 апреля. Пишу с фронта. Здесь уже тепло. К празднику Первомая мне поручили выпустить “боевой листок”. Дорогая Анюта, за последние дни часто вижу во сне вас и других родных. И особенно маму. Когда получите это письмо, исполнится семь месяцев, как я на фронте. За это время много пережил. Сердце стучало много раз при встрече с противником, и прибавилось седины на голове...”

“Менö некутшöм пуля ни осколок оз босьт. Öтчид осколок веськаліс менам вещьмешкö, пöртійс розбөдс, а ачим дзонь коли”. Коймөд писымын Сим Вань гижліс, мый бойяс костын сійо лэдзалö боевöй листокьяс.

Сэсся Сим Вань коркö юртіс меным, мый пöлучитöма гөтырсяныс, Анна Васильевнасянь, писымö, көні сійо гижö, мый ас ордас босьтöма кык сирöтаöс, усöновитöма найöс. Асьяныс писымöас Сим Вань содтöма, мый “коля кө ловья, то война бöрас ещö на унджыкöс усюновитам”.

«Гижа бара нин. Талун июнь 26-од лун нин, а чайтсьö, быттьö гижі тэныд сöмын на тöрыт. Адззысис кадколаст, бамага тор, и киясöй лючки ветлöны сöстöм өдждыд бумага вывті.»

Анют, менам донайö, менам надеяöй, менам муслуной!.. Эн усь сьёлөмнад, эн элясь, мый уна уджыд. Тэ котъ тöдан, мый войнас кутан узыны спокойнöя, пöрччысьöмөн, юрлöса вольпась вылын и некод тэно оз садьмөд суетны вой шöр войö пост вылö, оз кут дöзмөдны снарядысьөн. Буря олöй.»

1956 воын “Войвыв кодзув” журналын вöлі первойысь йöзöдöма “Сьёлөм öйö-ломалö” сыланкыв да ещö некумын кывбур, кодъясöс поэт гижліс 1937-43 восяö:

*“Ок, дай, чужан муöй –
вöльнöй светöй,
Рөднöй мамöй, донайö!
Радейта сідз тэно,
Кызди муса нылöс,
Морбс пытшкöс ломалö”.*

Миянкөд орччөн талун Сим Вань (И.Н. Симаков) абу. Но ми ог вунöдöй поэтöс, казътылам сійо, видзам нимсö сьёлөм берданым. Поэт оліс мичаа да коліс ас йывсьыс медся бур мөвпяс. Лозым сиктын эмöсь на йöз, кодъяс зэв мелі да пöся казътылöны поэтöс. Сиам жö и налы кузь нэм да бур шуд!

Дасьтіс
Елена ВАХОВСКАЯ.

